



Na osnovu stava 2, člana 40. i člana 8. Statuta Udruženja: “Asocijacija srednjoškolaca u Bosni i Hercegovini” od 07.11.2007. godine, Upravni odbor Udruženja (u daljem tekstu: “Upravni odbor”) na sjednici održanoj 30.08.2024. godine donosi sljedeći:

PRAVILNIK O SARADNJI
na projektu „Socijalni dan 2024“

I. OPĆE ODREDBE

Član 1.

Termini koji se u ovom Pravilniku koriste za osobe u muškom rodu su neutralni i odnose se na sve rodove.

Član 2.

Pravilnik o saradnji uređuje odnose Udruženja i Partnera na osnovu elektronske prijavnice za učešće u projektu „Socijalni dan 2024“ (u daljem tekstu: Prijavnica) te se definišu prava i obaveze pri realizaciji projekta „Socijalni dan 2024“ (u daljem tekstu: Projekat).

Član 3.

Partner i Udruženje realizacijom aktivnosti doprinose poboljšanju prilika za srednjoškolce u svim lokalnim zajednicama te pružaju srednjoškolcima priliku da implementiraju projekte koji za cilj imaju rješavanje problema u lokalnoj zajednici.

Član 4.

Partner se obavezuje da će obezbijediti mogućnost jednodnevnog volontiranja u svojoj firmi za dogovoreni broj srednjoškolaca. Udruženje se obavezuje da će obezbijediti potreban broj srednjoškolaca koji će jedan dan provesti volontirajući u firmi.

Član 5.

Projekat će se realizirati 25.10.2024. godine (petak), a Partner je obavezan obezbijediti da kroz proces jednodnevnog volontiranja srednjoškolac ima uvid u način obavljanja poslova na radnom mjestu kao i sve potrebne uslove za volontiranje taj dan. Srednjoškolci, koje će osigurati ASuBiH, će na radno mjesto doći u terminu određenom od strane Partnera te tu provesti isti.



Član 6.

Partner se obavezuje da će za svakog srednjoškolca koji bude radio u firmi obezbijediti minimalnu dnevnicu od 20,00 KM po učesniku/ci.

Član 7.

Partner se obavezuje da će po realizaciji aktivnosti iz Člana 4. ovog Pravilnika uplatiti novčani iznos od minimalno 20,00 KM na žiro-račun Udruženja broj: **154 160 200 445 2850** otvoren kod Intesa SanPaolo Banke d.d. BiH.

Član 8.

Partner se obavezuje da srednjoškolci u toku jednodnevnog volontiranja neće raditi teške fizičke poslove koji mogu dovesti do zdravstvenih poteškoća ili ozlijeđa na radu. Srednjoškolac neće biti omalovažavan na funkciji koju bude obavljao, niti iskorištavan/na i zlostavljan na bilo koji način.

Član 9.

Srednjoškolac (u slučaju maloljetnosti roditelji/zakonski staratelji) će potpisati izjavu kojom se odriču odgovornosti za bilo koje povrede koje se dese na radu. Ukoliko dođe do neke nezgode, srednjoškolac neće tužiti Udruženje ni Partnera, nego sami preuzimaju odgovornost.

Član 10.

Udruženje se obavezuje da će novčana sredstva koja se uplate za realizaciju ovog Projekta, biti iskorištena za kreiranje Fonda Socijalnog dana. Udruženje će ova sredstva koristiti za podržavanje projekata srednjoškolaca u lokalnim zajednicama. Udruženje neće koristiti ova novčana sredstva za druge potrebe osim onih koje su već ranije navedene, a 40% od cjelokupnog iznosa fonda će biti iskorišteno za finansiranje Projekta i operativnih troškova Udruženja.

Član 11.

Udruženje neće podržavati projekte kojima će se finansirati kupovina opreme koja ostaje u trajnom vlasništvu, niti plaćanje honorara za srednjoškolce koji će provoditi aktivnosti u lokalnim zajednicama. Finansirat će se isključivo aktivnosti koje dovode do promjene stanja i rješavanje problema u lokalnoj zajednici.

Član 12.

Udruženje će promovisati Partnera na društvenim mrežama putem svoje web stranice www.asubih.ba i putem medijskih gostovanja. Partner može promovisati u medijima da sarađuju na projektu Socijalni dan 2024 i da su srednjoškolcima omogućili jednodnevno volontiranje.



Član 13.

Udruženje će biti odgovorno za trošenje prikupljenih sredstava, a donatori će imati priliku uvida u trošenje sredstava.

II. ZAVRŠNE ODREDBE

Član 14.

Saradnja na projektu se ostvaruje popunjavanjem elektronske prijavnice o saradnji putem platform "Google forms".

Član 15.

Pravilnik stupa na snagu sa danom donošenja od strane Upravnog odbora Udruženja.

Član 16.

Izmjene i dopune ovog Pravilnika donose se na način i u postupku u kojem je donesen i ovaj Pravilnik.

U Sarajevu 20.05.2024. godine

PREDSJEDNIK UDRUŽENJA

Imad Lisica